

# Արցախին ու ինչու կարող է

Լեռնային Ղարաբաղի Ինքնավար Մարզին աջակցություն են ցույց տալիս «Լույս» արտադրական միավորման լուսատեխնիկական փորձնական գործարանի բանվոր-ծառայողները: Նրանք սննդամթերք են ուղարկել Արցախի Բերդաձոր և Վերինշեն գյուղերի բնակչությանը: Եղբայրական օգնության ձեռք է մեկնվել նաև Ստեփանակերտի էլեկտրատեխնիկական գործարանի կուլեկտիվին: Նրան է հանձնվել 4 հազար ռուբլի գումար:



Մեր հայրենակիցներին օգնելու գործում իրենց լուման ունեն ոչ ոգելից ըմպելիքների գործարանի աշխատողները:

Զեռնարկության սոցկուլտ միջոցների ֆոնդից 20 հազար ռուբլի տրամադրվել է արցախցիներին: 5 հազար ռուբլով օգնել է արհմիութենական կոմիտեն: Դրա հետ մեկտեղ, կուլեկտիվի նախաձեռնությամբ գերալանային արտադրանքից շուրջ 4 հազար դեկալիտր «Պեպսի-կոլա» և «Ֆանտա» ըմպելիքներ են առաքվել Լեռնային Ղարաբաղի Ինքնավար Մարզ:



Արցախին տնտեսական օգնության ձեռք է մեկնել նաև հանրապետության հացամթերումների մինիստրության վերանորոգման-մեխանիկական գործարանի կուլեկտիվը: Զեռնարկությանը կից կոոպերատիվը զբաղվել է Ստեփանակերտի հացի գործարանի վերակառուցման, արտադրության տեխնիկական վերազինման, տեխնոլոգիական նոր սարքավորումների տեղակայման աշխատանքներով: Գրեթե ավարտվել է և շուտով կգործարկվի հացաթխման առաջին հոսքային գիծը:

Նմանատիպ երկու հոսքային գծերի գործարկումով հընարավոր կլինի օրական թխել 25—27 տոննա տարբեր հացատեսակներ:

Ստեփանակերտից հեռագրով շնորհակալություն է հայտնվել եղբայրական օգնության համար:

Գ. ՍԱԼՈՅԱՆ